

Vol. 2. Art. 14.

I. N. D. N. J. C.
DISSERTATIO ACADEMICA,
DE
JURE GLADII
SEU
MERO IMPERIO.

Quam,

Favente Divinâ Gratiâ,
Consensu Magnifici JClorum Ordinis,
in Patriâ Academiâ,
quæ est GRYPHISWALDIÆ,

Sub PRÆSIDIO

DN. PETRI MASCOVII,

Jcti & Pandectar. Profess. Ordinar. Regiique Consistorii in Ducatu
Pomeraniæ & Principatu Rugiæ Assessoris, Facultatis Juridicæ
h. t. DECANI Spectabilis,

DN. PATRUI, PATRONI ac PRÆCEPTORIS,

devotâ animi observantiâ æternum colendi,

Publicè Ventilandam.

ad D. 30. April.

loco horisque consuetis proponit.

GEORGIUS BOGISLAUS DE MASCOV,

Nobil. Pomeran.

AUTOR ET RESPONDENS.

GRYPHISWALDIÆ,

Litteris DANIELIS BENJAMINIS STARCKII,
Reg. Acad. Typographi, 1625.



1
JURE GAVDII

MERGUTII

DI PIAZZA

Georgius

1800

Charissimum suum
ex Fratre Germano
FILIUM,

Auditorem & Domesticum
per integros quatuor
& quod excurrit, annos,

PRÆSES.

Quid comitis laudes multis quid carmine fingam,
Vis genio tribuam denique multa tuo ?
Haud faciam ; nam quicquid eris, res ipsa loquetur,
Qvaleque sit, quod das ingenii specimen.
Gratulor ex animo tibi doctæ munera mentis,
Et precor, ut fructus laudis in orbe ferant !

MASCOVI, pia quædam virtus commendat amicis,
Cujus inextincto tactus ab igne calens :
Dum Tu, barbariem seculi vitiumque perosus,
In cathedram gladii jus trahis, idque probas :
Arctoi blande Solis decus annuit ausis
REX CAROLUS, gladium qui gerit, ecce, tuus.
Est aliquid placuisse Deis. præsentia cæli
Dat stimulos animis, nec leve calcar habet.
Ausis ergo tuis, MASCOVI, macte ! Secundant
Ominibus Reges te Proceresque bonis.

Generoso DN. de MASCOV, Speciminis Acade-
mici Auctori Solertissimo, Amico Svavis-
simo, *αὐτοχρηδίασι* faciebat.

M. CHRISTIANUS Gaalbach /
Poëtic. ac Orator. Prof. Ordinarius.

Imperii

Imperii gladiique simul quos jura tenere,
(Dum Cathedræ laurum vindicat) auctor ait,
Huic, fas, esse meros Vos clementesque Patronos:
Pro VOBIS gladium vibrat in arte Cliens.

Prælia Præ-Nobilissimo
DN. GEORGIO BOGISLAVO DE MASCOU,
Jura Gladii Meritiq, Imperii
feliciter disputanti
amicæ gratulationis ergo
f.

M. BENJAMIN *Pognerne /*
Prof. Reg.

De jure & gladio solers dum dūseris, imple
Nominis & studii munia cuncta tui.
Jus armas gladio, gladium dum jure recondis,
Adstruis imperio subdita jura mero.
Gratulor. insignes quas continuasqve Togatæ
Fers ac ostentas Nobilitatis opes!

Generoso Nomini Animoqve Elegantissimi
Dn. Respondentis l. mōq dabam.

M. JO. PHILIPPUS PALTHENIUS,
Moral. Prof. Ordin.

Quod Tu, MASCOVI, conscendis pulpita nostræ,
Ac lingvâ doctâ prælia docta subis,
Laudo: sic pergas, tua cœpta Jehova secundet,
Ut Patriæ præstes commoda multa tuæ.

In honorem Generosi Dn. Respondentis, Contu-
bernalis ac Agnati suavisimi, gratulabun-
dus hac apposui

E. P. M. G. P. LL. St.

B. C. D.
DISPUTATIONIS
DE

JURE GLADII,
sive
MERO IMPERIO.

PRÆLOQUIUM.

U T aliis in rebus cognitione & usu dignissimis, ea παρανομασίαι duo vocabula Platonica junctim posita, δυσκολογία καὶ καλὰ, Difficilia quæ pulchra, concurrere solent: ita etiam in jurisdictiois & Imperii materiâ, cum ea extra controversiam sit utilissima, simul etiam est difficillima. Nobile subinde juris civilis caput, & verè clavis universi dictum Zasius ad L. 3. ff. de Jurisdic. cujus cognitio ad intelligentiam magnæ partis juris Romani imprimis necessaria, innumeris ferè licet difficultatibus nimia interpretum licentiâ involutum sit; adeò ut multi etiam existimarint, nullum in toto jure tam salebrosam locum esse, quàm qui est de Jurisdictione & Imperio. Coras. 3. Miscell. 17. Et sciunt omnes eruditi, qui in legendis Dd. commentariis aliquam impenderunt operam, quod nulla studii nostri pars fragilior, nulla quoque quæ magis somniis & deliciis Veterum deturpata sit, Feldm. in tr. de Jur. in Re & ad Rem. c. 22. §. 18. de quâ post Muretum Obrecht. de Jdic. c. 1. n. 3. Et si in aliis juris partibus satis graviter peccarunt Pragmatici, tamen in hâc omnem modum exceßerunt. Et ut in ceteris aliquid videret, hic planè cœci fuisse videntur. Attamen nullâ deterritus difficultate, quæ interdum vix corticem lambere sinet, sed motus utilitate magis, non omnem quidem Jurisdictionis materiam sed ultimum ejus sive membrum, sive, ut vulgò Dd. volunt, licet parùm accuratè vid. Feldmann. d. l. §. 16. & 18. Speciem, nimirum Jus Gladii s. Merum Imperium in præsentiarum considerandum, explanandum, placidè collationi submitendum duxi. Faxit supremum Numen FELICITER!

A

THES. I.

THES. I.

NE verò illotis, ut ait Romanus ille Jctus Cajus *in l. 1. ff. de Orig. Jur.* manibus tractationem hujus materiæ aggregari, operæ pretium erit, in Rubrum Dissertationis inquirere & de verborum intellectu quædam præmittere, cum omnis disciplina & tractatio à verborum cognitione incipere soleat. Bald. ad *l. 10. C. de oper. libert.* nemoque res probè intelligat, nisi qui prius verba enodaverit. Matth. Stephani *de Jdici. lib. 1. c. 1. n. 8.* Verba enim, ut Plato ait in Cratylo, sunt instrumenta, quibus res significantur: unde & Aristotel. *4. Metaphys. 10.* à significatione nominum incipere docet: nisi enim homines conveniunt in significatione nominum, non potest de rebus inter eos esse disputatio, Stephan. *d. l.*

II.

Quantum igitur Juris, quo de jam agimus, denominationem attinget, variis id denotatur appellationibus, quamvis & hic posteriora tempora à prioribus distingvenda sunt. Cum enim juxta Ciceronem *in Orat. pro Cæcinn.* Omnia judicia aut distrahendarum controversiarum, aut puniendorum malefactorum causa reperta sint. Et verò judicia distrahendarum controversiarum uno, *Jurisdictionis* nempe verbo veniant: Nullum tamen unum fuit verbum, quo potestas malefactorum coercendorum significabatur (præterquam quod interdum *Questiones* abscisè legamus pro judiciis malefactorum) sed vulgò quæstiones publicæ, vel quæstiones legum, leges publicorum judiciorum, judicia publica, exercitium judicii publici, cognitio de criminibus. *l. 1. §. 1. ff. de Offic. ejus cui mand. est Jdici. l. 2. §. 32. ff. de Orig. Jur.* & similibus verbis describi videmus. Postea tamen & non multo ante Pauli & Ulpiani tempora, Jus Gladii & Merum Imperium dixerunt: Scip. Gentil. *de Jdici. lib. 1. cap. 2.* Potestas Gladii & absolute Potestas. Moribus & vulgò nunc apud Interpretes, criminalis Jurisdictio: A nonnullis Jus Vitæ & necis: Superior seu alta Jurisdictio apud Saxones: Germanicè dicitur *die Blut- u. Wahn / Ober- u. Gerichte / Malefiz- u. Gerichte / peinliche Hals- u. Gerichte*: Belgicè *de hooe Juridictie, Hals- u. Ders- u. gelykelt.*

Ugtele. Vinn. in tr. de Jurisd. c. 1. n. 1. Besold. in Thes. Pr. verb.
Blut-Bahn / Hals-Vericht / Wehn. observ. pr. verb. Gent. &c.

III.

JUS GLADIJ dicitur in l. 6. §. 8. ff. de Offic. Presid. & Gladij
potestas in l. 3. ff. de Jurisd. l. 6. pr. ff. de Offic. Proc. & Leg. L. 70.
ff. de Reg. Jur. l. 74. Codice Theodosi. de Decur. Cum verò verbum
Gladij ambiguum sit, & diversimodè accipi soleat, modò pro-
priè, modò allegoricè vel figurate: & insuper aliquando latius,
aliquando strictius: Idè non tantum in Sacris sed & in Jure nostro,
ambiguitas hæc plenius excutienda videtur. In Sacris enim usur-
patur aliquando pro bello civili & domestico Math. X. 34. Ibi:
Non veni mittere pacem sed gladium: nonnunquam pro verbo DEI,
qvo solo resistere dicitur Sathanæ ut vis ejus extingvatur. Ephes. VI.
aliquando pro dolore Luc. II. 35. Ibi: Tuam ipsius animam pertran-
sis gladius: Propriè & materialiter verò, pro ense fabrilis s. instru-
mento ferreo incisivo, non uno in loco reperitur ut Judith. Cap.
XIII. 8. Marc. XIV. 47. Luc. XX. 38. 2. Reg. III. Similiter in Jure
nostro Gladius modò propriè accipitur, modò figuratè: & quidem
hoc modo vel generaliter pro potestate exercendi criminale judi-
cium & animadvertendi in vitam hominis l. 1. §. pen. ff. de Abi-
geis l. si quis filio §. sed & ff. de injust. & irrit. testam. vel specialiter
pro quacuncq gravi coërcitione, seu pœnâ qva Rei capite plecti
solent l. soles. 6. ff. de Offic. Proc. L. 74. nemo potest. ff. de Reg. Jur.
l. 31. C. ad L. Jul. de adult. Nam L. Pompeja ad Jus Gladii vel
Merum Imperium omni dubio procul pertinet, qvæ tamen Reum
gladio non punit. §. 4. Inst. de Publ. Judic. sic quoq L. Corneliz
de Falsis pœna eo spectat, & in delinquentem non gladio animad-
vertit, sed deportatione cum publicatione bonorum l. 1. §. fin. ff. ad
L. Cornel. de fals. vel specialissime pro pœna speciali, qvæ perficitur
gladio, l. pen. C. qui accusar. poss. Dn. Petr. Müller. ad l. 70. ff.
de R. J. Similiter propriè & strictè pro ense fabrilis, seu pro instru-
mento ferreo gladius accipitur, in L. 3. §. 1. ff. de pœn. ubi securi
& tolo opponitur: Qvò & pertinet sermo Caracallæ Imperatoris,
qvo increpuit Papiniani percussorem, qvò securi non gladio hunc
perculserat: Oportuit gladio te exequi jussum meum, non securi:

Spartian. in *CARAC.* Qvalis verò hîc intelligatur gladius, Dd. in
diversum abeunt; alii propriè & materialiter, ut ajunt, accipiunt
gladium, quam sententiam inter alios probat Muscornius in *tr. de*
Jurisd. n. 41. Alii civilem, quæ communior est Dd. sententia. vid.
Besold. *consil. 3. cap. 1. n. 13. & 14.* Ego hanc potius probo,
quam illam sententiam: cæterum ferè perinde esse credo sive
materiam intelligimus gladium seu ensẽ carnis incisivum, sive
civilem punitivum delictorum, hoc est, quodvis extremum sup-
plicium, graviores delictorum coërcitionem, & utrumq; subsi-
stere posse censeo, modò in priori significatione à principali &
digniori fecisse denominationem (inde forsan quod eo tempore
gladii poena usitatio & humanior, unde olim Nobiles capite damnati,
qui antea securi feriebantur, gladio percuti cœperunt. Bodin.
lib. 6. de Republ. c. 6.) Vel etiam, quæ & ipsa non absurda opinio est,
ut nemo non videt, inde, quod gladius meri imperii symbolum
summæq; esset potestatis signum; gladius enim index est justitiæ &
insigne superioris sive Regiæ potestatis, ad quam significandam gla-
dio cingebantur, qui eâ præditi erant, *Roman. XIII. 4.* Hillig. in
Donell. enucl. lib. 17. c. 8. lit. P. P. Gothofred. ad C. 70. ff. de R. J.
J. 1. Tabor. In Armament. Justin. in prothecor. J. 10. & 12. & c. 3.
J. 1. 2. & 3.

IV.

Dicitur porrò hoc Gladii Jus vulgò à Dd. in LL. verò non nisi
semel atqve iterum, IMPERIUM MERUM in *l. 3. ff. de Jd. l. 1. J. 1.*
ff. de Offic. ejus cui mand. est Jurisd. Scipio Gentil. *de Jurisd. lib. 3.*
c. 3. Est quidem Imperii simpliciter positi vocabulum polysemon
& diversimodè accipitur, prout latius deduxerunt Pauernmeister, *de*
Jd. lib. 1. c. 9. & 11. & jam ante hunc Matth. Stephan. in *tratt. de*
ead. mater. lib. 2. c. 2. Quo Lectorem remitto, ne actum agam:
Interim breviter tenendum quod hoc loco accipiat pro pote-
state judicantis de crimine sive animadvertendi in facinorosos.
Merum verò unde dictum sit, iterum inter Dd. non convenit,
prout videre est ap. Joach. Steph. *de Jurisd. Judæor. lib. 1. c. 2.*
n. 6. & seqq. ubi plures recenset opiniones: interim in eo conve-
niunt, quod ita dicatur ad oppositionem Imperii mixti, quod
etiam

etiam non merum dicitur in *L. fin. ff. de Offic. ej. cui mand. est Jdici.* sed in quo ratio oppositionis consistat, controversum est. Tres verò præcipuè videntur sententiæ quæ & veritati proximè accedunt, ut loquitur Heidenr. *Disp. Inaug. Altorph. Anno 56. hab.* quorum licet Autores sese invicem oppugnent, concurrere tamen forsitan potuere, nec absurdum est, ut unius appellationis introducendæ aut conservandæ plures causæ sint: Primò dici Merum, quod Jurisdictioni civili non cohæreat, vel inserviat, adeoque purum ab eâ consistat (arg. *l. 31. pr. ff. Depos. l. 22. ff. 3. ff. Mandat. l. 82. prope med. ff. de cond. & demonstr. l. 5. ff. de Verb. Oblig. l. 27. ff. de donat.*) populoque Romano reservatum, nec Magistratibus, nisi lege speciali aut etiam privatis communicatum & tributum sit. Stephan. *d. l. n. 8.* Deinde Merum dici, quod non solum à civili sed &, ut multi volunt, & infra videbimus, criminali Jurisdictione separatum fuerit, quasi illud solum non sufficeret nisi etiam hoc accedente Hillig. in *Donell. enucleat. 17. c. 8.* ubi tamen quomodo id fiat, non exprimit, quod autem facit Lampad. *de Republ. Rom. c. 15.* Denique Merum dici quasi summum *L. unicus. ff. de Offic. Præf. Prator. Stephan. d. l.* Prima universalior est & ad *LL. directâ* com modior: altera *LL. non adversa*, ut potius Meri Mixti que oppositionem firmet, modo distinctione adhibitâ rectè explicetur. Tertia cum prioribus concurrens conducit ad conservandam modernam appellationem, ubi hoc jus das hohe Gericht / das Ober-Gericht dicitur, & qui hoc jure præditi sunt, Ober-Richter appellantur. conf. *Feldm. de Jur. in Re & ad Rem. c. 22. ib. 110. seq. Heidenr. d. l. ib. 63. V.*

Porro & CRIMINALIS JURISDICTIO hodiè communiter dicitur, *Feldm. d. l. c. 23. ib. 28.* Licet id multis modis inter alios improbet Obrecht. *de Jact. c. 2. & 3.* ubi criminalem jurisdictionem à Jure Gladii s. Mero Imperio separat, illam in cognitione, hanc in executione consistere putat, aut perperam. Jus Gladii s. Merum Imperium enim duobus constat; cognitione de crimine facinorosi, itemque animadversione in facinorosos: Utrumque igitur sub meri imperii sive criminalis jurisdictionis appellatione continetur. Interim satis exprimi hâc appellatione hujus juris nostri natura con-

ditio & effectus vix negari poterit. Num verò Juri Romano & I.L. conveniens sit hæc appellatio? sen, num tam latè pateat vocis *Jurisdictionis* significatio, ut Jus Gladii sive Merum Imperium i. e. criminalium causarum decisionem complectatur? acriter à Dd. disputatur. Affirm. Wesenb. in ff. h. t. n. 2. Frantzken. ad ff. h. t. n. 1. 24 & 3. Scip. Gentil. de Jdct. lib. 1. c. 2. Matth. Stephan. de Jdct. lib. 1. c. 3. n. 4. Jacob. Gotofredi ad l. 70. ff. de Reg. Jur. & multi alii. E contra negant Ludw. & Hahn. ad Wesenb. d. l. Bachov. ad Treutl. 1. D. 2. th. 1. lib. A. Sutholt. & novissimè Feldmann. d. tr. c. 22. n. 19. & seqq. Sunt qui distingvunt inter auream, argenteam & ferream sive decrepitam Latini sermonis ætatem, ad hanc, si non plane ad barbarum seculum referunt Constitut. de Pace constantia J. Nos Romanorum. & divisionem Jurisdic. in civilem sive Bassam & criminalem sive altam. item Diploma Ludovici Pii apud Sigon. de Regn. Italie lib. 4. p. 107. & 123. Cæterum cum Jcti ex quorum Scriptis Pandectæ compilatæ sunt, vixerint in eâ ætate, ubi Jurisdictionem in vñtatori sensu de causarum civilium cognitione acceperunt, in aprico est, quid hac de re sentiendum. Alii distingvere maluerunt inter acceptionem vocis Jurisdictionis nativam & dativam, quæ est sententia Taboris in Dispnt. Wesenb. Disp. 2. q. 21. quam novissimè probat Scrag. in Introduc. ad ff. de Jdct. n. 11.

VI.

Deniq; Jus Gladii etiam Jus Vitæ & Necis à nonnullis dicitur, Vid. Joach. Steph. Jdct. Jndeor. c. 2. n. 43. & 53. Scip. Gentil. de Jdct. n. 3. c. 2. Sutholt. in aur. disertat. de Jdct. aph. 99. & 382. Tulden. ad Cod. tit. Jdct. n. 2. Feldm. ad ff. ad l. 6. ff. de Off. Procoff. §. 6. Licet enim facinorosis non semper vita naturalis adimatur, vel delinquentes pœnâ capitali plectantur, sed alia quadam graviore pœnâ, vel coërcitione puniantur, Jus Gladii tamen s. Merum Imperium exercetur. Vid. Befold. supr. cit. Consil. 3. c. 1. n. 18. 19. & seqq. Ut adeo Necis Jus à potiori parte vel supremo Meri Imperii gradu rectè appelletur. Sed cur Jus Vitæ non ita constat: Non certè ideò, quod Reis sive delinquentibus pœnam mortis remittere possit, qui hoc Jus Gladii sive Merum Imperium habet, utpotè quod aperte falsum est. Jus aggratiandi enim sive facultas Reis pœna-

poenarum veniam indulgendi Regalibus & juribus Majestatis annumeratur, neminiq̃ competit, nisi qui Majestate propriè sic dicta vel analogica pollet. Cluten. in *Sylog. rer. quotid. th. 2. lit. g.* Bodin. *lib. 1. de Rep. c. 10.* Mev. ad *Jus Lub. 4. lit. 15. art. 1. n. 5. & 10.* Carpzov. *Pr. Crimin. q. 150. n. 8. 14. & seqq.* cum primis Lauterbach. in *Vol. 4. Dissut. Tübing. D. 9. de Jur. aggravat. th. 1. 2. 3. & 4.* Sed potius, ut videtur, à facultate absolvendi, Reum scil. innocentem, hoc enim non minus est Juris Gladii s. Meri Imperii quàm nocentem condemnare & punire, idq̃ ita omnes Dd. sentire scribit. Nicol. Bellonus *lib. 3. Suppus. c. 17.* Innocentem dixi: confessum namq̃ve vel convictum non absolvere sed condemnare convenit, Clarus *lib. 5. Crim. §. fin. q. 65. & seq.* Scip. Gentil. *supr. cit. loc. libr. 3. c. 5.* Ceterum (quod obiter hic notandum) Judæi hanc summam vitæ necisq̃ potestatem non Jus Gladii nec Merum Imperium, sed sceptrum occidendi & vivificandi vocarunt Joach. Steph. *cit. loc. lib. 1. C. 7. n. 8.* Matth. Steph. *de Jdæis. lib. 1. c. 7. n. 2.*

VII.

His præmissis, sequitur jam Definitio realis Juris Gladii s. Meri Imperii. Definiverunt autem illud Interpretes diversimodè vid. Obrecht. *de Jurisd. c. 3. n. 18. c. 2. n. 4.* Quod sit notio criminalium causarum, nominatim certis personis lege concessa: Alii, quod sit jurisdictio in coërcitione posita, Govean. *ad L. 3. ff. de Jurisd.* Sed neutra sufficiens est per ea, quæ eleganter & nervose deduxit Bacchov. *ad Treuil. 1. D. 3. th. 3. lit. C. & Sutholt. de Jdæis. aph. 388.* Ab aliis definitur: Quod sit Imperium in jure dicendi de causis criminalibus & in condemnatos animadvertendo consistens: Novissimè Dn. Strykius in *Specimine Jur. Modern. ad 5. Libr. Pand. tit. de Jdæis. th. 6.* Potestas de criminibus quibuscunq̃ cognoscendi eaq̃ puniendi: Sed forsitan non deest, quod & his opponi posset; ideoq̃ non video causam sufficientem, cur non retinenda sit porius ea, quæ Jcti Ulpiani est & reperitur, in *L. 3. ff. de Jurisd.* Quod scil. sit potestas animadvertendi in facinorosos homines: Et vix est, quod satis bona non sit: Constat siquidem genere proprio & adæquato (potestatis scil.) & differentia specifica, in ver-

in verbis animadvertendi in facinorosos homines : maximè cum ab aliis quod & non exiguae authoritatis JCtis probata sit, & inter alios à Matth. Stephani de *Jurisd. lib. 1. c. 6.* Scip. Gentil. *d. 1. lib. 3. c. 3.* Zæf. *ff. h. t. n. 14.* Sutholt. *cit. Dissert. aph. 392. & seqq.*

VIII.

Potestatis verbum loco generis ponitur, rectius quàm *jurisdictio*, per ea quæ tradit Forster. de *Succ. ab Intestat. lib. 1. c. 17.* vel *Imperium*, quia substantia Juris Gladii sive Meri Imperii clarius & dilucidius demonstratur per verbum *potestas*, quo modo & maxime in *d. l. 3.* per eminentiam *potestas* dicitur. Cujac. *21. Obs. 12.* quia exercitium magis in oculos incurrit, quàm in Jurisdictione, & magis in Imperio mero, quàm in mixto. Vultej. in *Jur. Roman. lib. 1. c. 12.* Bocer. *class. 4. Disp. 9. th. 2.*

IX.

Verbum *Animadvertendi*, additur in definitione satis commodè : Nam licet multis in locis ad executionem referatur, *l. 8. §. 1. ff. de pæn. l. 11. ff. de Offic. Procons.* tamen aliquando solam cognitionem denotat, *arg. l. 6. pr. ff. de Offic. Procons. 6. unic. C. eod.* aliquando cognitionem & condemnationem simul, quod apertum evadit, ex *l. 15. §. quod ait 28. ff. de injur. l. 1. §. 1. & l. 3. §. 9. ff. de Minor.* Et si vel textus citatos aliter explicari debere quis contendere vellet, id tamen certum manet, quod animadversio sive punitio, sententiam tamen & hæc (sententia scil.) causæ cognitionem necessario, sive includat, sive supponat. Potissima enim Juris Gladii sive Meri Imperii vis & *ἐνεργεια* consistit non in executione, sed in jure pœnam delinquentibus, prævia causæ cognitione legitimoq; habito processu, præstituendi & inferendi. Thom. Michæli. de *Jurisdic. poss. 75.* Imo animadversionis idèò hic fit mentio, quia in criminalibus principaliter & directò veniat executio, ita tamen ut non sit à cognitione sejuncta : quod secus est in civilibus, ubi executio modo per accidens venit, & aliquando supervacua est, si scil. Prætoris jussui pareatur, Sutholt. *d. l. aph. 389. & 394.*

X.

Facinorosi vocabulo in hæc definitione usus est Ulpianus, quia in gra-

id gravitate superat omnia alia: plus enim est facinorosus quàm maleficus, & quia generale est, omnia complectens delictorum genera, quæ Legibus muniuntur. Scip. Gentil. *lib. 3. de Juris. c. 4.* *Hominum* autem idèd fit mentio, quia hi *proprium, adequatum & principale* objectum Juris Gladii sive Meri Imperii constituunt. Sutholt. *d. l. aph. 395.* Quamvis enim illud in cadavera, brutaq; animalia, imò in res inanimatas quoq; aliquando extendatur: Id tamen rarò fit & alio fine, ut infra in subjeet. pass. videbimus, idèd etiam definitioni inclusa haud sunt. arg. *L. 4. & seqq. ff. de LL. Scip. Genulis d. l.*

XI.

Definitionem excipit Divisio: Sed cum, ut mihi videtur, Jus Gladii s. Merum Imperium unum sit, suis utut constat partibus, vix alia datur hujus Juris Gladii sive Meri Imperii divisio, quàm quæ ab objecto vel pœnis seu pœnarum gradibus (de pœnarum gradibus dico, non pœnarum generibus sive modis coercendi, hi enim infiniti fere sunt, illi verò certi & definiti, *L. 28. ff. de pœn. Hahn. ad Wesenb. de Juris. n. 6. p. m. 159.*) desumitur, ut contra Zasium docet Obrecht. *d. l. c. 7. th. 40.* de quibus infra in causa finali plura videre licet: Dividitur itaq; in summum & non summum: *Summum* nihil aliud est quàm quod capitalem pœnam irrogat: *Non summum* quod non capitalem pœnam infert, verum leviolem. Forster. *in jur. civ. histor. lib. 2. c. 86. n. 20.* Deinde dividi potest in plenum & minus plenum. Illud est, quod continet potestatem de omnibus delictis, & quasvis pœnas irrogandi: Hoc verò quod ad certa delicta & certas pœnas est restrictum, Bachov. *ad prot. tit. de Juris. sub rubr. de Mer. Imper. n. 6.* Sutholt. *cit. loc. aph. 390.* Struv. *Exerc. ff. 4. th. 78.* & Schwendendorff. *ad Ekbold. in comp. ff. §. 10. de Jurisd.* Idque non tantùm olim apud Romanos obtinebat, sed & hodie non uno in loco reperitur. Non enim necesse est, ut unus jus de omnibus criminibus cognoscendi, & quasvis pœnas irrogandi habeat. Bacchov. *d. l.* Sic Præfectus vigilum cognoscere de criminibus potuit, servos, fures punivit, non tamen plene coercendi jus habuit. *L. 3. §. 1. ff. de Offic. Praef. Vigil. L. pen. ff. de condit. caus. dat.* Sutholt. *d. l. aph. 390.*

Præfes Provinciæ Jus Gladii habuit *L. 6. §. 8. ff. de Offic. Præsid.* Deportandi tamen in insulam jus ei datum non est. *L. 6. §. 1. ff. de interd. & releg. L. 1. §. 3. ff. de Legat. 3.* vid. Strauch. *Dissert. Jur. Univers.* 20. *ib. 9.* & *ibid.* Thomafius in *not. Franzken. ad tit. de Offic. Præsid. n. 4.* ubi in hujus rei rationem inquiritur. Et hodie, licet non multis in locis juxta Besold. *in consil. 3. c. 1. n. 1.* hoc reperitur, ut divisum quasi sit merum Imperium. Sic Colonienses in criminibus apprehensionem quidem habent, incarcerationem, inquisitionem & torturam: sententiam tamen ferre non possunt & multò minus exequi, ut potius delinquens sive capitis reus Archiepiscopo Electori tradatur, qui cum per Præfectum Blut-Richter judicat & executionem mandat. Sic Civitati Spirensi quoque ante deplorandam à Gallis desolationem in Camerale executioni, Cameræ verò Merum Imperium quod in cognitione, processu & condemnatione versabatur, competeat. Denaisius *in Dissut. de Mer. Imper.* & hujus Adsertione *de Jdct. Camer. Imper.* confer. Matth. Stephan. *de Jdct. lib. 1. c. 3. n. 65.* Simile quid inter utrumq; Senatuum Academiae & Urbis Rostochii ex mutuo pacto obtinere, ex Formula Concordiæ inter Duces Megapolenses & Urbem Rostoch. super Academia 1563. inita. §. 3um vterdren. refert Bajer. *ad Snobel. Diss.* ff. 2. *ib. 3.* Idque non uno in loco obtinere Dn. Stryk. *in supr. cit. Specim. Jur. Mod. ad tit. de Jdct. §. 10.* ex multis Actis ad Ampliss. Facult. Jurid. Viadrin. se compertum habere scribit. Ubi elegantem quæstionem subjungit, Anne judici executionis nonnunquam acta inquisitionis sint communicanda, an verò ob solam sententiæ communicationem, Reo ultimum infligere supplicium teneatur? Et R. *ibidem.* h. m. Si sententia ex consilio Jctorum lata sit & Reus sive inquisitus non adducat nova defensionis argumenta, judex executionis exequi sententiam teneatur, si verò aliter se res habeat, remittendum esse reum ad judicem criminalem vel ad minimum ipsi sunt acta communicanda, ne innocens rapiatur ad supplicium & contra conscientiam quid facere teneatur. Sed ego regulariter judici executionis non competere cognitionem puto.

XII.

Post expositionem generalem eorum quæ ad *Juris Gladii* naturam

ram sive essentiam spectant, sequuntur jam Causæ. Et quidem Juris Gladii s. Meri Imperii Causa *Impulsiva* vix alia esse potest quam Necessitas & Utilitas; Interest enim Reipublicæ, ne delicta maneant impunita *L. 13. ff. de Offic. Præsid. L. 5 1. in fin. ff. ad L. Aquil. L. 14. C. de accusat.* Causa *Efficiens Remota* DEUS est, qui omnis potestatis fons est. *Rom. XIII.* & omnem Imperii vim constituere dicitur *in Nov. 83. c. 6.* Hinc & potestas hæc penè divina plerisque populis visa fuit, & non hominum sed Deorum esse existimarunt. Vincent. Cabot. *variar. jur. dist. 2. Disp. c. 5.* Joach. Stephan. *de Juriſt. lib. 1. c. 6. & 7. & lib. 2. c. 2. & 3.* Causa *Proxima* est summa in Republ. potestas, quæ id vel Lege, vel Scto, vel Constitutione specialiter concedit, *L. 1. ff. de Offic. ejus cui mand. Juriſt. non Magistratus*, utpote cui tribuitur saltem ex speciali Legis vel Principis concessione, adeoque non proprio sed adventitio jure id exercere potest, idque ob rei gravitatem, in quâ pœnitentiæ locus non est, & quod in hoc agatur de summa omnium re, de capite, vita, libertate, civitate atque de tota hominis fortuna, ut mirum non sit quod sibi suprema potestas hoc jus reservaverit, neminique hujus exercitium permiserit, quam cui vel Lex, vel Sctum, vel Principis Constitutio hoc induxit qui & publici viceque populi vel Principis exercitationem tum habere dicebatur. Feldm. *in Comm. ff. ad l. 8. ff. de Offic. Procoſs. tb. 5.* Sic primis quidem temporibus in Rep. Rom. ipsi Reges Jus hoc Gladii exercere. Struv. *exerc. ff. 4. tb. 75. & Sutholt. d. l. aph. 382.* His post exactis Jus & Imperium hoc summum penes Consules fuit, usque dum Valerius Publicola, latâ Lege, ne quis injussu populi in caput civis Romani animadverteret, iis hanc potestatem abrogavit. *L. 2. §. 16. ff. de Orig. Jur. Flor. 1. c. 9. Halicarn. lib. 5. c. 19. Liv. 2. c. 8.* Exinde populus stante adhuc Republ. quotiens usus & necessitas postulavit, hanc potestatem, cui visum fuit, demandavit, *cit. L. 2. §. 23. ff. de Orig. Jur.* Delata verò rerum summa ad Imperatores: ut aliarum rerum omnium arbitrium sic & Jus Gladii ad solum Principem, tanquam legitimum populi Successorem translatum est, & hic solus quibuscunque voluit, specialiter concessit, non modo *Magistratibus*, sed etiam *Privatis*; à lege enim sive Principe non à jure Magistratus dependet. *cit. L. 1.*

de Offic. ejus cui mand. Sutholt. & Struv. *dd. ll.* Causa Propinqua itaq; erat Voluntas primò Populi postea Principis, qvi, ut jamjam dictum, prout crimen aliquod incidebat, de eo ipse cognoscebat vel ejus cognitionem, cui placebat, mandabat seu committebat. Postquam autem tam in urbe, quàm in provinciis hoc Jus Gladii seu Merum Imperium certis Magistratibus perpetuo & quasi ordinario jure concessum, adeoque quæstiones perpetue factæ sunt. Vid. Vinn. *de Jurisd. c. 2. n. 1. 4. 5. & seq.* Bachov. *ad prot. p. 370. n. 13.* Sutholt. *d. l. apb. 383. seq.* Duplex causa propinqua constitui potest, altera *instrumentalis*, quæ sit Magistratus ejusmodi creatio: altera *principalis*, voluntas summæ potestatis, Lege vel simili juris constitutione declarata. *d. l. 1. ff. de Offic. ejus &c. l. 6. ff. de Offic. Procons.* Quam utramq; causam confundere videntur, qvi hodie Merum Imperium sive Jus Gladii proprio sive Magistratus jure competere tradiderunt, nec non modernis Territoriorum Dominis jure Magistratus Jus Gladii competere contendunt: cum tamen hi Magistratus non sunt, sed quasi Imperatores in suis terris & tantum, imò in nonnullis plus in suis territoriis quam Imperator in Imperio possunt. Vid. Sutholt. *d. l. apb. 403. cum 3. seqq.* Quantum interim huic axiomati tribuendum & quomodo intelligendum, sit videre est apud Reinking. *de Reg. Secul. & Eccles. lib. 1. cl. 5. cap. 5. n. 57.* Dn. Eyben. *in singular. dissert. de illo problem.* Dominum territorii tantum posse in suo territorio &c. conf. Richter. *Decis. 4. n. 16. & Decis. 15. n. 14.* consequenter. Hi jure potius superioritatis perpetuo proprio, & ordinario hoc Gladii Jus & regalia juraq; Majestatis possident, adeoq; eo vel simili jure, quo supra summam potestatem hujus juris causam proximam dixi, utuntur.

XIII.

Subjectum Activum sunt, quibus Jus Gladii seu Merum Imperium specialiter concessum est, quod non tantum Magistratus erant, sed & Privati, eorum industria & fides perspecta erat (qvi tamen propterea Magistratus non fiebant, ut rectè docet Cujac. *5. Obs. 39. & 21. Obs. 30.* Scip. Gentil. *de Jdici. 3. c. 19.* & eleganter deduxit Bacchov. *in prot. iii. de Jdici. sub rubr. de Mero Imperio n. 14.* A lege enim sive Principe, non à jure vel officio Magistratus, Jus Gladii depen-

dependebat *L. 1. ff. de Offic. ejus cui mand.*) Imò vero est similis, Principem potius in privatum quam Magistratum inclinasse, utpote cujus potentiam tanquam libertati inimicam suspectam habuit, ut in Republ. libera, quæstores Parricidii erant *L. 2. §. 23. ff. de O. J. & ibid. Coccejus: Sub Principibus, Præfectus urbi L. 1. ff. de Offic. Præf. Urb. Præfecti prætorio, Præsides, Pro-Consules &c. L. 1. §. 4. ff. de Legat. 3. L. 6. §. ult. ff. de Offic. Præsid. L. un. C. de Offic. Præf. Prætor. &c. Scip. Gentil. d. l. c. 20.* Et quando etiam Magistratus hoc Jus Gladii exercebant, non ideò hoc faciebant, quia Magistratus erant, sed quia Princeps vel Lex nominatim hoc ipsis concessit. Cæterum an hæc concessione is, cui concessio facta est, Jus Gladii s. Merum Imperium ipsum *formaliter* & ut proprium, an verò nudum modò ejus exercitium obtinuerit? nobilissima & ante quadringentos & plures annos Bononiæ inter Azonem & Lotharium, insignes tunc temporis Jctos ventilata quæstio est: Lotharius Principis remanere, nihilq; concessione quam nudum ejus juris exercitium transire in eum, cui concessum est, dixit. Azo contra, eum, cui concessio facta, illud ut proprium obtinere contendebat, non quidem jure Magistratus sed vi specialis concessionis: Et cum Imperator Henricus Lotharii sententiam approbaverit, adeoque equum ex spon- sione appositum huic adjudicaverit: Proverbium hoc inde mana- vit: *Lotharius iniquum dixit & equum habuit; Azo equum dixit & equum perdidit.* Jam inter Veteres non modò sed & modernos reperiuntur, qui Lotharii opinionem probant: Nec desunt qui Azonis causam defendunt. Et utut negari non possit, quin diver- simodè concessio ab eo, qui supremâ pollet potestate, i. e. Majestate tam propria, quam analogica, fieri queat, vel ut tanquam *jure pro- prio* Jus Gladii s. Merum Imperium quis habeat, aliisque illud man- dare possit: Vel ut *nudum exercitium* ejus juris alicui, sine potestate alteri ea mandandi: maxime cum hodie merum imperium jure patrimonii sæpius conceditur, ita ut etiam in bonis ejus reputetur aliisque illud vendere & heredibus relinquere possit: Imò jurisdictio criminalis in feudum data patrimonialis sit, ut eleganter hac de re loquitur Vinn. *d. l. c. 4. n. fin.* Nullum tamen penes me est dubium, quin de Jure Civili Lotharii sententia sit verissima per ea, quæ habet

Alciat. 2. *paradox.* 7. it. Schnobel. in *Disp.* ff. 2. & *ibid.* Beier. in *not.* Sutholt. d. l. *aph.* 402. Vinn. d. l. Azonis verò opinio de suo tempore & cum post Carol. Magn. forma s. Species Reip. Romanæ jam mutata fuit, citra considerationem Veteris Juris Romani dubio procul intelligenda, prout quoque verisimile non est, Azonem, qui translato ad Germanos Imperio circa Annum 1200. & cum jam ferme 400. annis jura territorialia Principibus Germaniæ usurpata fuissent, vixit, de jure obsoleto respondisse. Sutholt. d. l. Ex hoc spontè jam fuit decisio quæstionis, num hoc Jus Gladii mandari possit? Et de jure Civili indistinctè hoc negandum, vulgò Dd. & rectè censent, cum quod olim SCto, Lege vel simili causa Jus Gladii mandaretur. Et verò perpetua Juris regula est, quod quæcunque Lege, SCto vel Constitutione Principis specialiter concessa sunt, mandari non possint. L. 1. ff. de *Offic. ej. cui mand. Jdiçl.* Nec obstat l. 6. pr. ff. de *offic. Process.* utpote quæ de sola custodiarum i. e. reorum, qui in vinculis & custodiis continentur cognitione i. e. nuda summariaque præauditione & nudâ notatione, quæ hodiè vulgo informatio dicitur, loquitur, quæ jure singulari concessa & in exemplum s. consequentiam trahi non debeat. Vid. Feldmann. in *Comm.* ff. ad *tit. cit.* l. 6. ff. de *Offic. Process.* tùm quod extra casum necessitatis illud delegari sive mandari non potuit. d. l. 1. Exceptio autem firmat regulam in casibus non exceptis Ludwell. & Hahn. ad *Wesenb. tit. de Offic. ej. n. 3.* quod & de jure Civili nequidem ad casum *infirmitatis* extendendum, per ea, quæ habet Mæstert. mox citand. loco. quod tamen de *jure Noviss. seu Constit. Crim. Caroli V. art. 2. ibi. Aus Schwachheit des Leibes* / secus se habet. Dissent. Vinn. aliàs de *Jdiçl. c. 3. n. 2.* Num idem obtineat de Jure Canonico & moribus nostris? inter Dd. non convenit. De jure Canonico Jus Gladii mandari posse statuit & strenuè defendit Mæstert. de *justit. LL. Roman. lib. 1. Dnb. 29.* & ante hunc Paulus Busius ad l. 1. ff. de *Offic. ejus &c.* Sed rectius negatur, cum nullus textus Juris Canonici adduci potest, ex quo hoc apertè probatur, & insuper non facilè inter Jus Civile & Canonicum differentia admittenda. Vid. Vinn. d. l. c. 3. n. 4. & 5. Zoëf. ad ff. *tit. de Jdiçl. n. 57. & seq.* & Gentil. lib. 3. c. 29. Fachin. 9. *controv. 99.* ubi ad contrar. respondetur, Quod mores atti-

net,

net, nec hodierna consuetudine mandari posse hoc Jus Gladii seu Merum Imperium vulgo Dd. consent. Vid. Strauch. *disfert. jur. Univ.* 20. *th.* 9. Struv. *exerc.* 4. *Syntagm.* *th.* 87. *cum ibid.* *cu.* idq; non tantum idèd qvòd nullibi hoc mutatum, qvòd autem expresse mutatum non est, cur stare prohibeatur. *l.* 27. *C. de testam.* § 1. 29. *C. de appellat.* Sed & qvia ne hodie qvidem Jus Gladii f. Merum Imperium, extra casum, qvò jure patrimonii vel in feudum concessum est, jure Magistratus competat Magistratibus: Non Sublimioribus, ut erroneè à Dd. vocantur Principes. vid. Sutholt. *cit. l. aph.* 403. nec Inferioribus, qvia sic omnibus competeret, qvòd oppido falsum est, cum multi sunt, qvi modo jurisdictionem & mixtum imperium habent. Post Hahn. Petr. Muller. *ad l.* 70. *ff. de Reg. Jur.* not. 3. Nec adversatur, qvòd, qvi Magistratus illud habent, ipsa factà electione habeant seu nanciscantur, qvòd inde transit de uno in alium & successores; Nam non inspicienda hùc est electio Magistratus, sed constitutio prædicti juris, qvz ab initio specialis fuit, ut non opus sit in qvolibet successore repetere. Vid. Hahn. *ad Wesenb. tit. de Offic. ej.* § c. n. 3. & 4. p. 148. & seq. 149. ubi & aliam adducit rationem, qvòd scil. per Constit. Crim. Car. V. casus *absentia & infirmitatis* frustra exceptus esset, si indistinctè Jure Novissimo mandari posset, confer. Scip. Gentil. *d. l. lib.* 3. c. 20. *in fin.* Frantzk. *ad ff. de Jdct.* n. 58. & 59. Sand. *ad l.* 70. *ff. de R. J.* & Bachov. *ad Treul.* 1. D. 3. & 4. *lit. D.* Dissent. alias Wesenb. *d. l.* Zoëf. *de Jdct.* n. 28. seq. Gudelin. *de Jur. Novis.* lib. 5. c. 13.

XIV.

De Secularibus Magistratibus constat, qvòd his competere; iisq; suprema potestas Jus Gladii f. Merum Imperium concedere possit. Sed num idem obtineat in Ecclesiasticis, & num penes Ecclesiam esse queat? non ita liquidum est; vulgò à Dd. id affirmatur, Zoëf. verò *in comment. ad ff. ut. de Jdct.* n. 58. & seq. negativam strenuè defendit & rationes adduxit, qvz qvidem speciem aliquam habere, tanti tamen mihi non videntur, ut à communi sententia ea propter recedendum sit; cum enim Jus Gladii circa causas criminales versatur & de his Ecclesia f. Exclestici Magistratus, ut ipse Zoësius fatetur, judicare possunt, hoc jus illis competere.

tere potest: Nec adversatur, quod gladium Spiritualem modò habeant, non occidere nec pœnam sanguinis imponere possint, cum, ut supra jam ostensum est, non omnis, qui Jus Gladii sive Merum Imperium habet, quasvis irrogandi pœnas facultatem habeat, sufficit itaque, alia ut, quâ in delinquentes animadvertitur, delicto conveniens pœna imponatur. Vid. *Disp. de Mer. Imper. Jenæ Anno 74. Præf. D. Frisen. habita th. 6. § 7.*

XV.

De Magistratu Academico vix dubium esse potest, quoniam Jus Gladii s. Merum Imperium ipsi competere queat, (ut territorium non habeat, utpote, quod etiam non ad id requiritur) cum à quamplurimis Academiis quotidiè id exerceri in propatulo est, & de Ingolstadiensi, Tübingensi, Lipsiensi, hæc nostra Gryphiswaldensi & aliis tam in Germania, quam extra eam testantur Dd. Scip. Gentil. de *Jur. 3. c. 17. Matth. Steph. 3. c. 12. Arumæ. discurs. jur. Publ. 33. & novissime de Universitate Teutoburgensi Feldmann. ad Libr. 2. ff. tit. de Offic. Procoff. n. 10.* ubi omnes gradus Meri Imperii Universitatem literariam Teutoburgensem habere dicit. Sed an hoc Jus Gladii s. Merum Imperium Academiis ex Constitutione Friderici ex *Authent. Habita C. ne filius pro Patre*, competat? altioris indaginis questio est: Et tot ferè sunt Dd. qui negant quàm qui affirmant, & rationes pro & contra non tam congeruntur, quàm cumulantur, prout videre est ap. Matth. Steph. c. 1. Wurmsler. *exerc. s. q. 10.* & cum primis Helfric. Ulric. Hunnium in *singulari Comment. ad cit. auth. habita. c. 2. q. 1.* Affirmativam ut rationibus prægnantioribus suffultam mihi defendere placet: Nec, ut hoc obiter adducam, alicujus momenti est, quod ab adversa parte inter alia quàm maximè urgetur: Si vigore Authentice Jus Gladii sive Merum Imperium Academiis competeret, penes omnes Academias esset, sed hoc apertè falsum, ut res ipsa docet. B. Respondeo: Nonnullæ Academiæ beneficio hujus Auth. renuntiaverunt, uti de Academiâ Bononiensi testatur Scip. Gentil. 3. de *Jur. c. 17.* In aliis, à Patronis, vel qui privilegia concesserunt in initio hoc jus restrictum & ademptum reperitur, uti de Gröningianâ testatur Feldmann. *supr. cit. loc. §. 10.* & deniq; certum est quod asserit Snobel. *exerc. ff. 2. §. 6.* quod quædam

qvædam Academiz Jure Gladii plenius, aliz minus plenè utantur.
 Confer. Gothmann. in *Respons. Academ.* 1. n. 110. & Befold. de
Jur. Academ. c. 6. n. 3.

XVI.

Nihil hîc addo, quàm quod, quando hodie suprema in Republ.
 potestas per infeudationem, vel Dominus territorialis Nobilibus suis
 vel Civitatibus sibi subiectis etiam municipalibus Jus Gladii sive
 Merum Imperium per subinfeudationem vel alium modum lucra-
 tivum, vel onerosum, jure patrimonii, ex peculiari gratia conces-
 serit (quod facere hodie potis est, quia Jus Gladii jure proprio
 Domini & ad heredes transitorio, maxime jure feudi possidet, quod
 porro per subinfeudationem communicari potest & patrimonio adjici
 Dn. Schilter. ad ff. *Exerc.* 6. *th.* 2.) non *communicativè*, sed *privati-
 vè* (si non potius cum Dn. Schilter. *cit. loc. th.* 1. mavelis *subordinate*)
 concessum habeatur. Quod secus est in Præfectis Principum ac
 Statuum Imperii, utpote quâ in causis criminalibus minus potestatis
 habent quàm Magistratus Romani, cum in his toti à jussu Domini
 sui dependeant & duntaxat Processus Directores & sententiæ ad
 nutum Principis Executores esse appareant. *Privativè* verò quando
 dixi, intelligo hoc, salvo & reservato jure superioritatis. *Peregrin.
 de jur. fisci lib.* 1. *tit.* 3. *n.* 33. & *consil.* 1. *n.* 41. Wesenb. *consil.* 95.
n. 59. Mynsing. 6. *Obs.* 99. Nam ob protractam vel denegatam
 justitiam, aut mota suspecti quæstione, vel alio gravamine & argu-
 mento jurisdictio relabatur ad Dominum superiorem. Knichen.
de vestitur. pact. p. 2. c. 1. n. 24. conferatur Dn. Schilter. *supr. cit.*
Exerc. ff. 6. *th.* 11. *pag.* m. 15.

XVII.

Deinde, quod Jus Gladii seu Merum Imperium concedatur vel
expresse, per privilegium &c. vel *sacris*, & hoc modo, vel quasi per con-
 sequentiâ, concessio castro vel alio loco, modo in hæc haenus castro
 universalis jurisdictio vel Jus Gladii sive Merum Imperium, ut ple-
 rumq; solet. Schilter. *d. l.* vel per *prescriptionem*: ut utenim jure civili
 præscriptione acquiri non potuerit Jus Gladii s. Merum Imperium,
 ut quod nemini competeat, nisi cui Lege, Scto vel Principis con-
 stitutione specialiter tributum est. *l. 1. ff. de Offic. ej. Sc.* & magis
 C publi-

publicam quàm privatam causam respiciebat. *arg. l. 6. in fin. C. de præscript. 30. vel 40. annor.* Vid. Sutholt. *d. l. aph. 419.* Obrecht. *de Jdct. c. 4. n. 17. 19. & seq.* Moribus tamen, ubi Jurisdicção & Imperium patrimonialia facta sunt, rei feudali regulariter inhærent & cum illa transeunt, præscriptione acquiri possunt, modò adsitabilitas personæ. Vid. Bachov. *ad Trentl. 1. D. 3. th. 7.* & si contra Principem fiat, concurrat tempus, cujus initium non extat memoria. Mynsinger. *consil. 17.* Fachinæ. *8. contr. 29.* Matth. Stephan. *de Jdct. lib. 1. c. 38. n. 33. & seqq. 36.* Bocér. *de Jdct. 6. 8. n. 99. seqq. 106.* Contra privatos longa temporis præscriptio sufficit, si cum territorio præscribatur, sola autem & sine territorio 30. vel 40. ann. ut in aliis juribus incorporalibus *l. 3. & 4. C. cod. confer. Sutholt. de Jdct. aph. 410.* Matth. Steph. & Bocér. *dd. ll.*

XVIII.

SUBJECTUM PASSIVUM proprium & adequatum sunt homines facinorosi superstites. Sutholt. *d. l. aph. 395.* sive singulares sint personæ, sive universitas seu communitas. *l. metum. §. 1. ff. quod met. caus.* Ut enim Universitas delinquere potest, ita quoque puniri debet, ne delicta maneant impunita, *l. ita vulneratus. §. 1. ff. ad L. Aquil.* & in eam, cum primis ob crimen Rebellionis, animadvertitur diruendo, & aratro subvertendo, damnata ejus memoria *l. 21. ff. quib. mod. ususfr. am.* Confer. Schænbörn. *1. Polit. 13.* Gail. *de P. P. c. 9. n. 9.* Mynsinger. *4. Obs. 78.* Clar. *5. sentent. §. fin. qu. 16.* Regulariter autem non nisi in viventes & ipsos facinorosos superstites Jus Gladii s. Merum Imperium exerceri solet; Mors enim omnia solvit *l. 1. C. si reus vel accus. mort.* Sebast. Medic. *in tract. Mors omnia solvit p. 2. per tot.* Aliquando tamen non modò ad cadavera punitorum (mortuus enim homo propriè homo non est *l. hoc legatum. ff. de legat. 3.* & cum deficiat anima, quæ ei dat esse, homo esse desinit. *c. Moses. 32. q. 2.*) & ad mortuos, imò & ad bruta & alias res inanimatas extenditur Jus Gladii sive Merum Imperium, & objectum inadequatum constituunt. Hinc punitorum nonnullorum (punitorum non damnatorum dico, damnatio enim antecedit executionem & non sequitur) cum primis suspensorum & rotâ contusorum cadavera sæpius non sepeliuntur, nisi petiit & impetratum sit. *l. 1. ff. de cadav.*

cadav. punit. Carpzov. pr. Cr. q. 137. n. 70. Et si quis in insulam deportatus fuerit, pœna etiam post mortem manet, nec licet eum inde transferre, & sepelire inconsulto Principe. l. 2. C. eod. l. 3. §. 4. ff. de sepulch. viol. l. 8. ff. de relig. & sumpt. fun. Sic quoque Reus postulatus & in crimine deprehensus (in quod capitalis pœna constituta est) metu criminis imminenti quasi confessus, mortem sibi conscivit. l. 3. ff. de bon. eor. qui ant. sent. Cœterum si quis neque accusatus, neque deprehensus, multò minus punitus, post scelus commissum è vivis excesserit, regulariter morte crimen extinguitur. l. 3. & 6. ff. de publ. delict. l. 3. C. si reus vel accusat. mort. fuer. Regulariter dixi, nam casus, qui morte non extinguuntur, collegit Sebast. Medic. supr. cu. israel. part. 3. Excipitur cumprimis. 1. Crimen Perduellionis, ob quod etiam post mortem inquiritur, in cadaver Jus Gladii exercetur & memoria delinquentis damnatur. l. fin. ff. l. 3. 6. 7. 8. C. ad L. Jul. Maj. l. 24. ff. de pœn. 2. Crimen Hæreos cujus ratione etiam post mortem inquiri, & cadavera Reorum effodi, eâq̃, quam vivi pati deberent, affici pœnâ solent. l. 4. §. 4. C. de heret. & Manich. quod tamen de insignioribus & pestilentissimis hæreticis modò intelligendum, quales sunt Manichæi, qui negant SS. Trinitatem & rejiciunt Vetus Testamentum, Feldmann. de Jur. in Re & ad Rem. c. 30. n. 107. Quod ante sesqui fere seculum famosissimus ille Belgicus Hæreticus David Georgii etiam post mortem est expertus, vel potius cadaveri ejus à Senatu Basileensi contigit. Cum enim hic Impostor Antho post C. N. 1544. Basiliam venerit, atque, ut jus civitatis sibi suisque concederetur, rogaverit, Johannem de Brugg. se nominans, cum suis ibidem receptus atque in Anno 1656. mortuus est. Famâ verò postea existente defunctum Johannem Brugensem fuisse Davidem Georgii, malitiosæ Sectæ Georgitarum nomen atque initium, Belgio plurimas dedisse turbas, quæ simul ipsam matrem fiditii hujus Messia una cum ingenti numero interemissent. 13. Maji, Anno 1559. publicè falsi atque hæreseos accusatus, condemnatus, effossus & una cum effigie scriptisq̃ suis ante portam, quæ à lapidibus nomen habet, combustus est, uti apparet ex Scripto ab Academiâ Basileensi jussu Senatus ibidem per Hieron. Curionem publicato. Vid. Disp. Dn. D. Bajeri Anno 1659. Jena habua

de cadaver. punitor. c. fin. th. 20. 3. Crimen repetundarum *l. 20. ff. de accusat.* Qvòd & ad alia nonnulla atrociora delicta in Praxi extendi solet. Vid. Gomez. *3. var. resol. 1. n. 75. 80. & multis seq.* Jul. Clar. *l. 5. ff. fin. q. 5 1. n. 15.* & Farenac. *in pr. Crim. var. qq. 10. n. 77.* Nec ridiculum est, in corpus exanime, qvòd sensu caret, Jus Gladii exercere, cum pœnæ modò ad emendationem delinquentium irrogari soleant. Respondeo enim, & ad terrorem aliorum delinquentes puniri, qvatenus exemplo utile est. *l. 16. ff. fin. l. 28. ff. pen. ff. de pœn.* Pœnarum enim duplex finis est. 1. emendatio delinquentis. 2. exemplum & memoria punishmentis, qvò & pertinet illud Ciceronis *lib. 1. de Offic. Pœnis utimur contra delinquentes, ne quid posthac committant ipsi : cœtera vera sint ad delinquendum tardiores.* Hahn. *ad Wesenb. ad tit. de cadaver. punitor.* Dissentit aliàs Grot. *d. f. B. & P. 2. c. 19. ff. 4.* Cui respondet Ziegler. *ad eundem loc. p. m. 421.*

XIX.

Nascitur sub manus una vel altera non inelegans qvæstio, nec indigna discussione. An videlicet cadavera punitorum Medicis ad Anatomiam sint concedenda? Et num hoc cuivis judici vel interiori Magistratui, cui Jus Gladii s. merum imper. competit, permissum sit? Et qvòd primam attinet qvæstionem, cum communi Dd. Scholæ eam affirmare non dubito, cum, qvòd hoc faciat ad perfectiorem artis Medicæ cognitionem, qvàm habere magni interest Reipubl. tùm qvòd ea, qvæ publici boni & utilitatis sunt, etsi in alterius injuriam & contumeliam vergere videantur, culpanda non sint, neqve injuriarum teneantur Magistrat9 corpora punitorum petentibus concedentes. *l. 33. ff. de jurejur.* Qvibus accedit, qvòd cum nullus honos debeatur illorum cadaveribus, qui anteqvàm necarentur, servi pœnæ erant & corpora eorum insepulta abjici vel in furcâ relinqui poterant. *l. 28. ff. famofos. ff. de pœn.* nihil etiam referre qvòd de iis fiat, qvòd ni ergo ad Anatomiam usurpari, cum insuper horum *σκευα* ad multa conducunt, prout hoc eleganter deduxit. Speckhahn. *cent. 1. qq. jur. 8.* conf. Berens *Disp. ad Instit. 13. coroll. 3.* Lymnæ. *Jur. Publ. tom. 3. lib. 8. c. 4. n. 3.* Carpzov. *pr. crim. q. 137. n. 74.* Interim mihi persuasum habeo, certumq; credo, hoc non aliter fieri debere, qvàm habita ratione puniti cognitionis, familiæ & dignitatis qvòd & velle

& velle videntur Petr. Theodor. in *Colleg. Crim. Disp.* 10. 1b. 6. lit. b^a Hahn. ad *Wesemb. tit. de cadav. puni. circa fin.* Insuper dicta intelligo tantum de cadaveribus punitorum; non de puniendis vel supplicio destinatis; Hos enim vivos Medicis ad Anatomen concedere nego, cum Speckhahn. *cit. loc. quest.* 7. Berens *d. l. coroll.* 5. pœnæ enim executio non his, sed carnificibus est relinqvenda. Dn. Dr. Schwendendorff. ad *Eckholt. comp. ff. de cadav. puni. §. fin.* utut aliàs Marqvard. Freher. *lib. 1. parerg. c. 25.* in contrarium inclinet. Quod alteram verò concernit qvæstionem; Negativa mihi verior videtur: qvod enim Principi supremo, vel qvi jura superioritatis habet, non statim inferiori Magistratui competit, licet Jus Gladii sive Merum Imperium habeat, cum hujus potestas se non extendat præter id ut Reus legitimè puniatur, ut vel ideò *§. fin. l. 1. de punit.* puniti, tali judicio vel Magistratui justè contradicant, post *Uar. recept. sent. lib. 5. §. fin. quest.* 100. n. 2. & ib. Bajard. in *not. n. 4.* Hahn. *d. l. conf. Menoch. de A. J. Q. 285. n. 10.* qvi omnes existimant Magistratum consulere non modo Principem debere, sed & licentiam impetrare. Carpozoy. *d. l. n. 74.*

XX.

Bruta & res inanimata qvod attinet, certum est, nonnunquam in Bruta animadverti pro Jure Gladii s. Mero Imperio; nonnunquam dixi, rarè enim hoc fit, & non nisi ex speciali ratione: Vult hoc ipsum Jus divinum, qvando non tantum *Genes. IX. 5.* scriptum reperitur: *Sanguinem vestrarum animarum requiram de manu cuncliarum bestiarum:* Sed & pœna speciatim designata, *Exod. XX. 28.* *Si Bos cornupeta percusserit virum aut mulierem & mortui fuerint, lapidibus obruatur:* Et *Levit. XXI. 15.* *Qui cum jumento vel pecude coeuit: morte morietur, pecus quoq; occidite:* concordat *can. mulier. 11. q. 2.* *mulier que accesserit ad omne pecus & vult ascendi ab eo, interficietis mulierem & pecus morte moriatur:* Cui respondet, qvodin Concilio Wormationensi jubeantur interfici Apes, qvæ hominem occidissent. Zoëf. ad *ff. tit. de ven. n. 2.* Sic Plinius narrat *lib. 8. c. 18.* *visos fures in Africa & canes suspensos, qvod ab iis fuissent obfessa urbes.* Qvido

316. n. 6. & seq. Moribus hinc inde receptum esse asserit. B. Joh. Andr. Frommann. Profess. Tübingensis, cum viveret, celeberrimus, in *Disert. ante 18. annos ibid. hab. de Mer. Imper. in bruta c. 3. n. 22.* ut cum Nemese Carolina hominibus nefando crimine Sodomix cum bruto se polluentibus ignis constitutus sit, *art. 116.* hæc ipsa abolendi ratio in brutis observetur; imò ab ipso Carol. V. in *d. art. 116.* introducta dicatur. à Matth. Stephan. *d. l. lib. 1. c. 6. n. 167.* Et certum est, Germaniz judicia hunc morem sequi: qvi & lege scripta in Ducatu Württembergico confirmatus in *Nov. Würtemb. Constit. 1. §. 27.* cujus verba citata reperiantur ap. B. Dn. Fromman. *cit. loc.* multaq; hujus rei causa adduxit præjudicia Carpzov. in *pr. Crim. q. 76. n. 34. 39. 45. & seqq.* Et ita à Collegiis Prudentum quotidiè responderi solet, & non ita pridem, ante aliquot modò septimanas, Amplissima hujus loci Facultas Juridica respondit in pto. Sodomix. Circa alteram speciem autem, qvâ homo à bestia aut pecude occiditur. (Hæ enim duæ modò moribus nostris sunt criminum species, ex quibus plesti animalia solent. Vid. Joh. Thomæ. in *tr. de Noxâ animal. c. 27.*) variatur & pœna mortis minus frequentatur: Nihilominus mihi retulit Dn. Præses, Venerandus Dn. meus Patruus, se ante 35. annos in Geldria bovis caput palo infixum vidisse, inqvirens in causam, relatum ipsi, bovem illum cornupetam hominem occidisse, jus- suq; vel loci Magistratus à carnifice decollatum, caput palo infixum & cadaver terræ mandatum: Notum insuper qvòd Parricidæ culeo insuti cum gallo gallinaceo, viperâ & simiâ in vicinum mare vel amnem projici & enecari debeant *l. 9. ff. ad L. Pompej. de Parricid §. 6. Inst. de Publ. Judic. & ib. Dd. cur verò hæc animalia culleo inseri debeant, videre est apud Matth. Stephan. d. l. n. 163. & seq. qvò me remitto.* Sed absouum hoc ferè videtur, cum affectu delinqvendi & dolo creant bruta animalia, & tamen puniri debeant. Wesenb. *ff. de pen. n. 6.* Regulare autem est, ubi culpa non est, ibi pœnam non poni: culpam in bruto defectus sensus remover, ut & pœna removenda videatur. Zoëf. *ff. h. 7. n. 30.* Sed Respondeo, in animalia bruta qvando suppliciorum severitas extenditur, id non fieri ratione delicti veri & ad formalem punitionem, sed materialiter tantum & ratione terroris majoris hominibus incutiendi, Thomæ. *d. l. c. 27.*

Bachov.

Bachov. *ad Trentl D. 2. ib. 6. lit. B.* Seu, ut clarius hæc proponam: in Animalia animadvertitur. 1. interdum non tam principaliter & directè, sed quatenus delictum hominis conjunctum est, ad abolendam facinoris ab iis perpetrati memoriam, quò pertinet *cit. loc. Exod. XX. & C. C. Carol. V. art. 116.* 2. non formaliter, quoniam in bestias non propriè delictum cadit, sed materialiter tantum ratione ipsius facti. *Exod. XXI. 28.* Denique in poenam hominis animalia quædam adhibentur. *J. 5. l. de Publ. Jurisd.* quæ tamen respectu bestiarum poena non est, sed usus tantum dominii humani juxta doctrinam Grotii de *J. B. & P. 2. c. 21. §. 11.* quod frustra & sine sufficienti ratione, ut mihi videtur, reprehendit Ziegler. *ad d. l. Grotii.*

XXI.

Qua *Res inanimatas* non desunt quidem exempla, quod & in has antiquitus animadversum sit, originem hujus rei recenset Joach. Stephan. de *Jdich. Græcor. c. 2. c. 4. n. 16. 17. & seqq.* Draco antiquissimus Atheniensium Legislator præter bruta & res inanimatas punienda judicavit, ut ligna, lapides, ferrum aliaque si delapsa hominem occidissent, eaq; urbe agroq; exterminanda statuit. Quo facit, quod ex Pausania refert Zoëf. *ad ff. de Jdich. 31.* Æleos damnasse bovem æneum, eumq; deportari jussisse, quod ejus ori pueri ludentis caput illisum necis causam tribuisset. Sic Diomedis Athletæ statua à Thasiis damnata & in mare abjecta est, quod hominem casu oppressisset. Petr. Gregor. Tholos. *Synagm. lib. 36. c. 25. n. 9.* Joachim. Stephan. *d. l. De Theaginis statua* (alii Niconia Thasii fuisse volunt. Vid. Thoma de *noxa anim. c. 27. n. 15.*) idem refert, in quem virum cum Adversarii ulciscendi libidinem explere non poterant, mortuum contumeliis insectari attentarunt, & idè noctu quidam ex his ingressus est sanum, in quo statua collocata erat, eam flagris cœdebat, ex quâ cassione mota statua collabendo adversarium oppressit: Ensem quoque s. gladium, quo homo occisus est, Parlamentum Tholosanum suspendisse adducit. Harprecht. *ad §. 1. Si quadrup. pauper. n. 2.* conferatur Forner. *lib. 1. §. 1. c. 2. ubi*

n. 5. ad extingvendam memoriam delendaq; vestigia scelestorum Dominorum : quanquam Cicero potius ad memoriam poenæ publicæ constitutæ id factum dicat, sive ut illorum facinus memoria & nomine loci notaretur, in quem finem sæpius ædium dirutarum loco columnæ infamix, Schand. Steulen / erigi solent Petr. Theodoric. in *Colleg. Crim. Disp.* 10. th. 3. lit. Et memorabile exemplum adduxit B. Frommann. in *cit. Disp. de Mer. Imp. in Brut. c. 6. n. 8.* Imò quotidiè videm⁹, secures, gladios, ficas, cultros & similia instrumenta, quibus delicta sunt commissa, patibulis & palis numellis affigi & suspendi; ut recordatione periculi alieni horror injiciatur hominibus à similibus delictis. Matth. Stephan. *supr. cit. c. 6. n. 178.* Zoëf. d. 1.

XXII.

OBJECTUM Juris Gladii s. Meri Imperii sunt delicta, & quidem publica, vel potius omnes causæ criminales, quibus nempe ex delictis criminaliter agatur. Bocer. de *Jurid. c. 1. § 5.* Scrag. in *introd. Pand. tit. de Jurid. §. 19.*

XXIII.

FORMA alia *essentialis* est, alia *accidentalis*: Ad *illam* referri potest. 1. Quod Jus Gladii s. Merum Imperium Jurisdictioni non subserviat, sed potius Jurisdictio illi: Non enim propterea de criminibus cognoscitur ab illo, qui id habet, ut in cognitione & sententiâ acquiescere velit, sed ut postquam per sententiam de crimine & facinore constiterit legitimam poenam assequi possit. Et hoc est, quod dicitur, Jus Gladii *principaliter* tendit ad animadversionem s. coërcitionem, *secundariò* verò ad cognitionem & definitionem. Scrag. d. 1. §. 20. 2. Quod Jus Gladii non jure Magistratus, sed ex speciali legis, SCti vel constitutione Principis competat. l. 1. §. 1. ff. de *Offic. ej. cui mand.* Ad hanc spectat, quod Jus Gladii sive Merum Imperium aliis plenius, aliis parcius datum sit. Vid. *supr.*

XXIV.

Jam juxta electam methodum subjungo FINEM ET EFFECTUM: Juris Gladii *Finis* est inflictio poenarum circa causas criminales, imò vindicta delictorum eorumq; coërcitio: quamvis hæc remotior, illa proximior dici possit. Ex quo sequitur *Effectum* pax & tranquillitas Reipubl. & quod boni efficiantur cives non minus metu poenæ-

pœnarum, quàm spe præmiorum, ut loquitur Ulpian. *in l. 1. ff. de J. & J.* quamvis & hunc *Ulpianum* dicere possum Effectum, *Intermedium* autem duplicem facere, *primum* & ex *primo* ortum: Ad illum refero actus, quos quis vi Meri Imperii exercet, qui duorum generum sunt, *cognitionis* scil. & *animadversionis*: jamdudum enim explosa est opinio, qui cognitionem ab animadversione separarunt, illam nomine Jurisdictionis criminalis, hanc demum Jus Gladii sive Merum Imperium appellantium, quæ sententia est Obrechtii & qui hunc sequuti sunt. Facit interim pro hac meâ sententiâ tum *l. 6. ff. de Offic. Procons.* tum quod animadversio sine prævia causæ cognitione & sententiâ fieri nequeat: Unde cui illam, etiam hanc concesserunt LL. nostræ Romanæ. Frantz. *ad ff. iii. de Jdiel. n. 34.* Vinn. *de Jdiel. c. 1. n. 9.* Animadversionis autem varios gradus & genera Dd. faciunt, ubi tamen hæc ab illis, ut supra jam monitum est, distingvi oportet: uti enim genera pœnarum infinita ferè sunt, ita gradus animadversionis non quidem sex, uti Bartolus *ad l. 3. ff. de Jdiel.* voluit, quos examinat Obrecht. *de Jdiel. c. 7. n. 31. & seqq.* & Matth. Stephan. *de Jdiel. i. c. 7. n. 8. & seqq.* Nec 4. secundum quatuor elementa, uti nonnulli existimant, quasi quidam Magistratus habeant potestatem puniendi in terrâ, ut qui vivos sepeliunt. *l. 3. C. de Episc. aud.* quidam in igne, ut qui veneficos comburunt, quidam in aëre, ut qui fures suspendunt, quidam in aquâ, ut qui facinorosos submergunt. Mascard. *de prob. concl. 403. n. 4.* cum ibid. allegat. Ast malè, ut ostendit Matth. Stephan. *cit. loc. c. 7. n. 4. & 5.* sed tribus ordinibus commode comprehendi possunt. *arg. L. 28. ff. de pœn.* Scip. Gentil. *lib. 3. de Jdiel. c. 6.* Stephan. *d. c. 7. n. 18. & seqq.* Obrecht. *d. l. c. 7. n. 2.* Inter quos, *Primus gradus* s. ordo complectitur pœnas, quibus mors naturalis irrogatur & vita naturalis admittitur. Huc pertinent capitis amputatio, ad furcam damnatio, crematio, fumigatio, vivi in partes dissectio C. Cr. Carol. V. *art. 124.* submersio; strangulatio, membrorum per rotas fractio. *art. 130.* & humatio fœminæ vivæ. *art. 131. Const. Crim. Carol. V.* & similes. *Secundus* continet pœnas, quæ morti

referuntur pœnæ, quibus corpus hominis mutilatur, ut quando oculus eruitur, manus vel pes amputatur. *Nov. 134. c. ult. digiti vel aures abscinduntur, lingua vel labia amputantur vel perforantur, Damnatio in metallum L. 8. §. 4. & L. 12. ff. de pœn. & in opus metalli, quæ duo quomodo differunt, videre est in L. 8. §. 6. ff. de pœn.* In opus publicum damnatio, *L. 17. pr. ff. eod.* Damnatio ad triremes sive ut vocant Galeras Gothofr. *ad cu. L. 17.* Aquæ & ignis interdictio (olim enim Romæ civem facinorosum ultimo supplicio afficere, eiq; spiritû & vitam adimere nefas erat. Joach. Steph. *de Jdich. 1. c. 2. n. 22.* ideoq; talibus aquam & ignem interdicebant, qvi privati usu elementorum nolentes volentes urbe exire compellebantur) In cujus locum postea successit deportatio *L. 3. pr. ff. ad L. Jul. peculat. L. 2. §. 1. ff. de pœn.* in Insulam, quæ à continenti distabat 400. milliariibus Cujac. *6. Obs. 39.* Et in hujus locum iterum Ban- num Imperii migrasse multi Dd. volunt, quod tamen planè displicet Bocero *de Jdich. c. 5. n. 36.* & nonnisi secundum quid concedit Strauch. *Disert. univers. jur. 20. th. 9.* cum non exigua inter hæc duo differentia sit Gail. *2. de P. P. c. 1. n. 20.* Jul. Clar. *5. sent. §. fin. quæst. 67. & 71.* Tertius gradus reliqvas continet pœnas, quæ ad exstimationis, non verò ad capitis vel status periculum pertinent, ut fustigatio, relegatio, confinatio, cum scil. quis non relegatur sed ei certus locus, certiq; fines, ex quibus non excedat, assignantur, elegans exemplum extat. *1. Reg. II. 46.* & integra Dn. Strykii *Disput. de Confinat.* Stigmatis inunctio, Expositio ad numellas, Impositio lapidis famosi sive scandalî. Mynsing. *consil. 16. n. 26.* Infamia, Privatio dignitatis, *l. 2. §. 2. vers. sed si ff. de his qui infam. not. Cujac. 27. Observ. 8.* Multatio & Carceris pœna, &c. Besold. *conf. 3. c. 1. n. 20. & 27.* Ubi tamen observandum, quod de carcere & multa hîc dicitur, non aliter obtinere, quàm si in causâ criminali dictata vel imposita sit, hæ enim pœnæ mero & mixto Imperio communes sunt. Vid. Scip. Gentil. *d. l. 3. c. 10.* Struv. *ad ff. exerc. 4. th. 77.* Bachov. *ad Trembl. 1. D. 3. th. 4. lit. D. & E.*

XXV.

Ad EFFECTUM ORTUM refero varia remedia pro vindicando jure gladii s. mero imperio prodita, quæ sunt vel *extrajudicialia* ut si in continenti & propria auctoritate quis se opponit Turbatori, eumq; repellit.

repellit *arg. l. 1. quando licet unic. sine jud. l. 1. C. unde vi. vel judicialia.*
 Et hæc iterum sunt vel *petitoria*, vel *possessoria*: *Petitoria* vel *realia*,
 vel *personalia*: Inter *Realia* est actio *confefforia* & *negatoria utilis*:
Qvamvis enim Vaud. 2. qq. 27. & alii actionem confefforiam & ne-
gatoriam tantum ad servitutes, non etiam ad alia jura incorporalia
& alii Dd. ad §. 2. Inst. de Act. Ad *personales actiones* forsan referri
 possunt, quas *conventio*, qua hoc *Jus Gladii* *acquisitum*, *producit*,
 (quod tamen non caret dubio, ut *conflictus* dabit,) it. *act. injuria-*
rum tam civilis, quam criminalis arg. l. 13. §. ult. & l. 23. ff. de injur.
Possessoria sunt varia, prout vel *ademptum* hoc *jus*, vel *imminutum*,
 vel in eo quis modo *turbatus* est, ut *illo casu* *Interdicta* *recupe-*
randæ possessionis sive jure civili s. canonico introducta: *Hoc,*
interdictum uti possidetis s. remedium manutenentiæ &c. arg. eorum
quæ habent Bocer. de Jdiel. c. 10. Matth. Stephan. de Jdiel. 1. c. 40.
Gail. de pignorat. Observ. ult. & Rutgers. Ruland. de Commisf. &
Commisf. Part. 3. lib. 5. c. 12.

XXVI.

Superfunt *CONTRARIA*, ad quæ refero modos, quibus *Jus Gladii*
s. Merum Imperium *amittitur*, & vulgò tres *constituuntur*: *Renun-*
tatio s. Resignatio, Non Usus & Abusus: Et quod 1. *Resignationem*
attinet, vix *dubium* videtur subesse, quin *inferior*, qui vel à *supremo*
Principe vel Domino territorii, per privilegium vel aliam superioris
voluntatem expressam, vel tacitam Jus Gladii obtinuerit, suo juri
renuntiare possit. arg. l. 21. C. Mand. l. pen. C. de Patf. l. 41. ff. de
minor. Nov. 136. idque ideò nonnunquam fieri censeo, quia Jus
Gladii onerosum potius quam lucrativum est, & magis honorifi-
cum, quam proficuum. Tenetur enim Magistratus onera Juris-
ditionis criminalis sustinere in processu inquisitorio. Carpzov.
Pr. crim. q. 138. n. 39. & segg. n. 62. & seg.

XXVII.

2. *Non utendo & Prescriptione* *amittitur Jus Gladii s. Merum*
Imperium : 1. *Y de Prescrip. c. cum prescrip. sed in casu prescrip.*

vel ad alterius vicini forsan prohibitionem acquiescit per tempus ad prescriptionem sufficiens : non usus enim instar prescriptionis habet. Cum occasionem habeat, dixi ; Nam deficiente occasione delinquentes puniendi, & actus possessorios exercendi Jus Gladii sive Merum Imperium non amittitur. Gail. 2. Obs. 60. n. 6. & ibid. Bernh. Grevæus consid. 2. Mascard. de prob. conclus. 646. n. 11. asseverans. quod licet per 100. annos homo aliquis in furcis suspensus non sit, adhuc nihilominus Jus Gladii s. Merum Imperium subsistere immotum. Conf. Sinolt. Schutz. jur. publ. vol. 2. D. 3. ib. 7. lit. C. Minimè verò huc referri debet casus, ubi patibula s. furcæ diu collapsæ fuerint, ut potius collapsarum loco novas erigere possit. arg. l. 2. ff. de fidei. Gail. d. l. Furcæ s. Patibuli erectio enim semper cohæret juri Gladii s. Mero Imperio Cardin. Thusc. lit. F. conclus. 537. Zieritz. ad Constit. Crim. art. 116. Licet expediat erectas potius conservare, vel collapsas sine morâ erigere atque sic possessionem continuare, utpote quod ad evitandam omnem hæc in re controversiam ut plurimum proficit. Vid. Grevæus cit. l. n. 9.

XXVIII.

Amittitur 3. quoque Jus Gladii *Abusu* : Ut enim omnè jus & privilegium abusu amitti dicitur, ita quoque Jus Gladii s. Merum Imperium, idè non tantum directò propter crudelitatem & nimiam sævitiam. Gail. 1. Obs. 17. n. 2. Carpzov. 1. Respons. 53. n. 11. Matth. Stephan. de fidei. 1. c. 39. n. 7. 8. & seq. Sed & per consequentiam, amittendo, e. gr. feudum, cui cohæret Jus Gladii : Regula enim generalis est, ex quibus causis vasallus feudo privatur, ex iisdem Jurisdictionem (adeoque & Jus Gladii feudo cohærens) amittit. Cravetta consil. 597. n. 3. His meritò annumeratur quævis alia culpa seu gravius delictum, ob quod in bannum Imperii quis incidit : Talis enim à fide & tuitione Sacri Imperii excluditur, & in discrimine vitæ fortunarumque constituitur, nihilque proprii retinet. Gail. de Pac. Publ. 2. c. 1. n. 21. Matth. Stephan. d. l. n. 12. Minimè autem huc pertinet Mors concedentis.

c. 2. de Offic. Legat. in 6.

Tantum !

BIBLIOTECA VAZ
ROMA